

ლეჩხუმი

გაზეთი გამოდის
1000 წიგნი
10 მანეთად

საქართველოს კომპარტიის ცაგერის რაიონული კომიტეტისა და
ცაგერის სახალხო დეპუტატთა რაიონული საბჭოს ორგანო
«ЛЕЧХУМИ» — Орган Цагерского райкома Компартии Грузии
и Цагерского Райкома Совета народных депутатов

№79 (6305) სამშაბათი 3 ივლისი 1990 წელი ფასი 3 ლაზ.

ს ა ი ნ უ რ მ ა ც ი რ ც ნ ო ბ ა

საბჭოთა კავშირის კომუნისტური პარტიის ცენტრალური კომიტეტის პლენუმის შედეგების შესახებ

1990 წლის 29 ივნისს გაიმართა საბჭოთა კავშირის კომუნისტური პარტიის ცენტრალური კომიტეტის პლენუმი.

პლენუმზე განსახილველად შეტანილი იყო სკკპ მომავალი XXVIII ყრილობის საკითხები.

პლენუმზე მოხსენება გააკეთა სკკპ ცენტრალური კომიტეტის გენერალურმა მდივანმა მ. ს. გორბაჩოვმა.

გაიმართა კამათი. პლენუმმა მოიწონა ძირითადი დებულებები მოხსენებისა „სკკპ ცენტრალური

კომიტეტის პოლიტიკური ანგარიში სკკპ XXVIII ყრილობისადმი და პარტიის ამოცანები“ და დაავალა ცენტრალური კომიტეტის პოლიტბიუროს, დახვეწოს იგი გამართული განხილვის შესაბამისად. პლენუმმა დაავალა სკკპ ცენტრალური კომიტეტის გენერალურ მდივანს მ. ს. გორბაჩოვს მოხსენება გააკეთოს ყრილობაზე.

პლენუმმა ძირითადად მოიწონა სკკპ XXVIII ყრილობის საპროგრამო განცხადების — „პუნანური,

დემოკრატიული სოციალიზმისაკენ“ და საბჭოთა კავშირის კომუნისტური პარტიის წესდების პროექტები და მიიღო გადაწყვეტილება ეს დოკუმენტები შეიტანოს ყრილობის განსახილველად.

საბოლოო სიტყვა პლენუმზე წარმოთქვა სკკპ ცენტრალური კომიტეტის გენერალურმა მდივანმა მ. ს. გორბაჩოვმა.

ამით სკკპ ცენტრალური კომიტეტის პლენუმმა მუშაობა დაამთავრა.

რ ვ ე ნ ი დ ღ ე ზ ი ს ა ღ ა მ ი ა ნ ე ბ ი

მინც ლასხანელ დოდო მეშველიანს შეხვდავს, თვალებში მოხვდება მისი ნაშრომ-დაკოჟირი ხელები, მაგრამ ეს როდი ჩრდილავს მის ქალურ სინაზეს, სილამაზეს.

დოდოს სოფელში კარგ რძალს ეძახიან, მოსიყვარულე მეუღლეს და დედას. დოდო და მისი მეუღლე ალიოშა საიჯარო შრომაში ჩაებნენ. ვაზსაც და სიმინდის ყანასაც ერთნაირი გულმოდგინებით უვლიან.

ახლა ერთბაშად მოზღვადა საქმე სოფლად, ნავედრალ ვაზს შეწამლა სტი-

რ ვ ე ნ ს გ ვ ე რ დ ი თ

რდება, გულგაფუებული მიწა თუ სიმინდს გულდაგულ არ შემოუყარე. ისე არ ივარგებს, ტენს ვერ დაიგროვებს.

აქეთ აბრეშუმის ჭიის მოვლა. არ ყოფილა წელიწადი 50-55 კილოგრამი პარკი არ ჩაებარებინოს. ახლაც „წასული“ იქნებოდა ჭია, მაგრამ ისე მოხსნა პი-

რი ამ დალოცვილმა ბუნებამ, რომ ჭიაც გაზარდაც და არ ეჩქარება ცახებზე შესვლა.

100 კილოგრამამდე პარკს გვპირდება სეზონის ბოლოსთვის გამრჩე ქალი.

დოდოს კარ-მიდამოში რომ შეიხედოთ, იგრძნობა, რომ აქ ჯარასავით ქალი ტრიალებს, მისი მზრუნველი მარჯვენა სახლსაც ატყვია და ეზოსაც.

ასეთი ქალებია ერისა და სოფლის დედა-ბურჯი, დედა-ბოძი.

ზორანა ავირილიანი.

ს ა ზ ო ნ ი ს ნ ი ნ

მიმდინარე წელს რაიონში უნდა დაშლადეს 7400 ტონა კურკოვანი და თესლოვანი ხილი, რომლის რეზერვი და შესაძლებლობა რაიონის საზოგადოებრივ თუ საკარმიდამო მეურნეობებში თავისუფლად არის. ხილის და მზადების სეზონის წინ მოსახლეობას უნდა ვაუწყოთ, რომ 1990 წლის სეზონზე გადიდებულია კურკოვანი და თესლოვანი ხილის შესასყიდი ფასები. კერძოდ, სამრეწველო გადამამუშავებისათვის ვარგისი ერთი კილოგრამი პირველი ხარისხის ვაშლის ფასი 50 კაპიკა, მეორე ხარისხის — 40 კაპიკა, ერთი კილოგრამი პირველი ხარისხის საადრეო ვაშლის

ფასი პირველ სექტემბრამდე 54 კაპიკა, მეორე ხარისხის — 45 კაპიკა, არასტანდარტულია კი — 30 კაპიკა. აქვე უნდა აღინიშნოს ისიც, რომ ჩაბარებული ხილი აუცილებელია იყოს ხარისხიანი.

სამრეწველო გადამამუშავებისათვის საჭირო ერთი კილოგრამი მსხლის ფასი 45 კაპიკა, „კაი-ფერას“ ჯიშის მსხლისა კი — 30 კაპიკა, ერთი კილოგრამი ქლიავის და კოშკის ფასი 55 კაპიკა, ტყეშლისა და ალუჩის კი — 45 კაპიკა.

საქართველოს კომპარტიის ცენტრალური კომიტეტისა და

საქართველოს სსრ მინისტრთა საბჭოს 1990 წლის 30 მაისის დადგენილების მიხედვით მოსახლეობაზე ჩაბარებული პროდუქციის ღირებულება გაცემული იქნება ყოველგვარი შეზღუდვის გარეშე. მიმდინარე სეზონიდან ჩაბარებულბთან ანგარიშსწორება მოხდება ნაღდ ანგარიშზე.

საქსოფლდამამუშავების რაიონულ გაერთიანებას გადაწყვეტილი აქვს ხილის დამზადების სეზონი დაიწყოს მიმდინარე წლის 15 ივლისიდან, აშუამად კი ყველა ღონისძიება ტარდება ხილის მიღების პუნქტების შესაბამისი კადრებით დაკომპლექტების მიზნით, საზოგადოებრივ მეურნე-

რაიონული საბჭოს

ს ა ს ი ა რ ა ი ო ნ უ ლ ი
გ ი ზ ლ ი რ თ ე ა

29 ივნისს გაიმართა ცაგერის სახალხო დეპუტატთა მეოცე მოწვევის რაიონული საბჭოს მეტორმეტე სესია დღის წესრიგით:

1. სახალხო დეპუტატთა ცაგერის რაიონული საბჭოს თავმჯდომარის არჩევის შესახებ.

2. სახალხო დეპუტატთა ცაგერის რაიონული საბჭოს თავმჯდომარის მოადგილის არჩევის შესახებ.

3. სახალხო დეპუტატთა ცაგერის რაიონული საბჭოს პრეზიდიუმის შექმნის შესახებ.

4. ცაგერის სახალხო დეპუტატთა რაიონული საბჭოს აღმასკომის აღმინისტრაციული კომისიის თავმჯდომარის დამტკიცების შესახებ.

5. ცაგერის სახალხო დეპუტატთა რაიონული საბჭოს მუდმივ კომისიებში ცვლილებების შეტანის შესახებ.

6. რაიონის ადგილობრივი ბიუჯეტის თავისუფალი ზეგვეგმური ნაშთის განაწილების შესახებ.

7. რაიონში გლეხური მეურნეობების შემდგომი განვითარების ღონისძიებათა შესახებ.

დღის წესრიგის პირველ საკითხთან დაკავშირებით სესიის თავმჯდომარემ, დეპუტატმა კ. ს. მუშკუდიანმა სესიის მონაწილეებს გააცნო დებულება სახალხო დეპუტატთა რაიონული საბჭოს თავმჯდომარის არჩევის შესახებ.

სესიამ დეპუტატ ნ. ცვარიანის წინადადებით სახალხო დეპუტატთა რაიონული საბჭოს თავმჯდომარედ ლია კენჭისყრით აირჩია საქართველოს კომპარტიის ცაგერის რაიკომის პირველი მდივანი, დეპუტატი ემზარ კონსტანტინეს ძე გუგავა.

დღის წესრიგის მეორე საკითხზე სახალხო დეპუტატთა ცაგერის რაიონული საბჭოს თავმჯდომარის მოადგილის არჩევასთან დაკავშირებით დასახელდა ორი კანდიდატურა. დანერგული (ფარული) კენჭისყრით სე-

სიამ სახალხო დეპუტატთა ცაგერის რაიონული საბჭოს თავმჯდომარის მოადგილედ აირჩია დეპუტატი ომარ მიხეილის ძე ჭაბუკიანი.

დღის წესრიგის მესამე საკითხთან დაკავშირებით სესიამ დამტკიცა სახალხო დეპუტატთა ცაგერის რაიონული საბჭოს პრეზიდიუმში 11 დეპუტატის შემადგენლობით. პრეზიდიუმში არჩეულნი არიან: ემზარ კონსტანტინეს ძე გუგავა, ომარ მიხეილის ძე ჭაბუკიანი, დავით იაკობის ძე სვანიძე, კობა ლავრენტის ძე ფრუიძე, რამაზ რაფიელის ძე კოპალიანი, კარლო სევარიონის ძე მუშკუდიანი, დავით კაპიტონის ძე კოპალიანი, გულნაზ რაფიელის ასული კოპალიანი, მელის დავითის ძე ყურაშვილი, ნოდარ პლატონის ძე ცვარიანი, ნოდარ სიმონის ძე ნემსაძე, ონერ შალვას ძე ნემსწვრიძე, პიერ პიმენის ძე ფუტყარაძე.

სესიამ რაიონული საბჭოს აღმასკომის აღმინისტრაციული კომისიის თავმჯდომარედ დამტკიცა რაიონული საბჭოს აღმასკომის თავმჯდომარის მოადგილე, საგვეგმო კომისიის თავმჯდომარე კუკური პარიმონის ძე ხეცურიანი.

სესიამ გააერთიანა ქალთა შრომის, დედათა დაცვის საკითხების და ახალგაზრდობის საქმეთა კომისიები ერთ კომისიად და კომისიის თავმჯდომარედ დამტკიცა დეპუტატი დავით კაპიტონის ძე კოპალიანი.

საკითხზე რაიონის ადგილობრივი ბიუჯეტის თავისუფალი ზეგვეგმური ნაშთის განაწილების შესახებ სესიას მოახსენა რაიონული საბჭოს აღმასკომის თავმჯდომარის მოადგილემ, საგვეგმო კომისიის თავმჯდომარე კ. ხეცურიანმა და სესიამ მიიღო შესაბამისი გადაწყვეტილება.

(დასასრული მე-2 გვერდზე).

გ ა ზ რ დ ი ლ ი ა შ უ ს ყ ი დ ვ ი ს ფ ა ს ე ბ ი

ობათა ხელმძღვანელები გაერთილებული არიან წერილობით, ოფიციალური სახით წარმოადგინონ თავიანთი კანდიდატურები, აუცილებელია შეირჩეს ისეთი აღამიანები, რომლებიც ადგილობრივ მცხოვრებთა ნდობას, პატივისცემას იმსახურებენ, პასუხგებაში არ არიან ნაშუაფი და ნასამართლევი.

საქიროა რაიონის საზოგადოებრივ მეურნეობათა ხელმძღვანელებმა, სასოფლო საბჭოების აღმასკომების თავმჯდომარეებმა მეტი გულშემატკივრობა და აქტიურობა გამოიჩინონ როგორც კადრების შერჩევის, ასევე საკარმიდამო თუ საზოგადოებრივ

მეურნეობაში არსებული ხილის სახელმწიფოსათვის ჩაბარებისა და საგვეგმო დავალების შესრულების საქმეში, რასაც დღემდე ნაკლები ყურადღება ექცეოდა. ჩვენ კი, გაერთიანების მშრომელები ყველა ღონეს ვიხმართ, რათა ხილის მიღება წარმართოს უწყვეტად, ყოველგვარი დაბრკოლების გარეშე და მისი გადაზიდვის საქმეში არავითარი შეფერხება არ იყოს.

ნ. სალინაძე,

საქსოფლდამამუშავების ცაგერის რაიონული გაერთიანების თავმჯდომარე.

რაიონული საბჭოს სესია

(დასასრული).

დღის წესრიგის მეშვიდე საკითხზე რაიონში გლეხური მეურნეობის შემდგომი განვითარების ღონისძიებათა შესახებ — მოხსენებით გამოვიდა რაიონული საბჭოს აღმასკომის თავმჯდომარის პირველი მოადგილე, აგროსამრეწველო გაერთიანების საბჭოს თავმჯდომარე **ო. შ. ნემსვერიძე**. მოხსენების ირგვლივ გამართულ კამათში მონაწილეობა მიიღეს რაიონული საბჭოს აღმასკომის თავმჯდომარის მოადგილემ, საგემომო კომისიის თავმჯდომარემ, დეპუტატმა **კ. ზეცურაიამა**, ცაგერის კოლმეურნეობის თავმჯდომარემ, დეპუტატმა **ზ. ჩიქოვანმა**, ორბელის სასოფლო საბჭოს აღმასკომის თავმჯდომარემ **ვ. ჯაბუკიანმა**, ალპანის კოლმეურნეობის თავმჯდომარემ **ო. კვენეტაძემ**, რაიონული გაზეთის „ლეჩხუმის“ რედაქტორმა, სოფლის მეურნეობის მუდმივი კომისიის თავმჯდომარემ, დეპუტატმა **ნ. ნემსაძემ**.

ქვედა ცაგერის სასოფლო საბჭოს აღმასკომის თავმჯდომარემ **გ. ხვალაგაძემ**, უსახელოურის მევენახეობის საბჭოთა მეურნეობის დირექტორმა **ტ. ლეთოდიანმა**. მიღებული გადაწყვეტილებით სახალხო დეპუტატთა სასოფლო საბჭოების აღმასკომებს, კოლმეურნეობათა გამგებებს, საბჭოთა მეურნეობის დირექციას დაევალებათ მიმდინარე წლის 15 ივლისამდე გლეხურ მეურნეობაზე გადასვლასთან დაკავშირებით შექმნილ ადგილობრივი კომისიები და მათთან ერთად უზრუნველყონ: მიმდინარე წლის ივლისის ბოლომდე შრომითი კოლექტივების (წარმომადგენელთა) კრებების ჩატარება, განცხადებების მიხედვით განსაზღვრონ თითოეულ მეურნეობაში გლეხურ მეურნეობაზე გადასვლის მსურველთა და კომლთა რაოდენობა, საშუალოდ ერთ შრომისუნარიან და კომლზე სახნავის, ბალის, ვენახისა და სათიბ-

სამოვრის ფართობების გაცემის შესაძლებლობანი. მოახდინონ სასოფლო-სამეურნეო სავარგულების, ძირითადი ქონების, სასაქონლო-მატერიალურ ფასეულობათა, საბრუნავი სასრების, დებიტორული და კრედიტორული დავალიანებების ინვენტარიზაცია, მოახდინონ იჯარით გაცემული პირუტყვის აღწერა და სქესობრივ, ასაკობრივ და წონითი მონაცემების შედარება საბუღალტრო ჩანაწერებთან. მოამზადონ წინადადება-ნი გამონათვისუფლებულ შენობა-ნაგებობათა, საზოგადოებრივი პირუტყვის, სხვა ძირითად და საბრუნავ საშუალებათა გამოყენების შესახებ. განსაზღვრონ სახელმწიფო სესხების, აგრეთვე სხვა დავალიანებათა დაფარვის წყაროები. დაამუშაონ კონკრეტული წინადადებები იმის გათვალისწინებით, რომ საზოგადოებრივი წარმოების მოცულობა შენარჩუნებულ იქნას იმ რაოდენობით, რაც

უზრუნველყოფს რაიონში არსებული საბიუჯეტო ორგანიზაციების სოფლის მეურნეობის პროდუქტებით მომარაგებას. გადაწყვეტილებით 1990 წლის 1 აგვისტოდან გაუქმებულ იქნას რაიონული აგროსამრეწველო გაერთიანება, დამზადების რაიონული გაერთიანება და ავტოტრანსის რაიონული საწარმო. აღნიშნული ორგანიზაციებისა და საწარმოების ბაზაზე შენარჩუნებული საზოგადოებრივი საწარმოების და გლეხური მეურნეობების მომსახურებისა და სოფლის მეურნეობის პროდუქტების შესყიდვის ორგანიზაციის მიზნით 1990 წლის 1 სექტემბრიდან შეიქმნას საწარმო-ტექნიკური მომსახურებისა და სოფლის მეურნეობის პროდუქტების შესყიდვის რაიონული გაერთიანება, რომლის მართვის აპარატი განისაზღვროს 15 საშტატო ერთეულით. საწარმო-ტექნიკური მომსახურებისა და სოფლის მეურნეობის პროდუქტების შესყიდვის რაიონულ გაერთიანებას დაევალოს გაუქმებული კოლმეურნეობების ბაზაზე ცალკეული სოფ-

ების მიხედვით შექმნას მატერიალური ტექნიკური მომსახურების და სოფლის მეურნეობის პროდუქტების შესყიდვის საწარმოები. კოოპერატივების მიხედვით იხებულები რაიონები, რომლებიც უშუალოდ დაეკავშნენ დებარებთან რაიონულ გაერთიანებას.

გამონახოს სამრეწველო და სხვა ორგანიზაციები გამოუყენებელ ძირითად საშუალებებში (მეცხოველეობის ყოფილი ფერმები, გამგეობათა კანტორები და სხვა) დამზადებული სასოფლო და სამრეწველო საწარმოთა ფილიალების შექმნისა და მოწყობისათვის.

დამტკიცდა რაიონის საზოგადოებრივ მეურნეობებში გლეხურ მეურნეობებზე გადასვლასთან დაკავშირებით რაიონული საბჭოს აღმასკომის 1990 წლის 29 მაისის გადაწყვეტილებით შექმნილი რაიონული კომისიის შემადგენლობა და რაიონის საზოგადოებრივ მეურნეობებში გლეხურ მეურნეობებზე გადასვლისათვის განსახორციელებელ ღონისძიებათა გეგმა.

სესიაზე სიტყვა წარმოთქვა საქართველოს კომპარტიის ცაგერის რაიონის პირველმა მდივანმა, სახალხო დეპუტატმა რაიონული საბჭოს თავმჯდომარემ, დეპუტატმა **მ. კ. გუგაშვილი**.

მ. ს. გორბაჩოვის სახელმწიფო ვიზიტი შეერთებულ შტატებში ორივე მხარის აზრით მეტად სასარგებლო იყო. პრეზიდენტმა **ჯ. ბუშმა** იგი როცა შეაფასა, განაცხადა: „მე მეტად კმაყოფილი ვარ საბჭოთა პრეზიდენტ მიხეილ გორბაჩოვთან უმაღლესი დონის შეხვედრის შედეგებით. რა თქმა უნდა,

კიდევ არ ითვალისწინებს საბჭოთა კავშირისათვის უპირატესი ხელშეწყობის რეჟიმის მინიჭებას; არსებობს განსხვავება გერმანიის გაერთიანების საგარეო ასპექტებსა და რიგ სხვა პრობლემებზე.

მაგრამ უმაღლესი დონის შეხვედრის მნიშვნელობა აშკარად სცილდება ამჟამინდელი კონკრეტული შედეგების ფარგლებს, თუმცა ისინიც არსებობდა ამ შეხვედრაზე: ხელმოწერილია უმნიშვნელოვანესი შეთანხმება ქიმიური შეიარაღების შესახებ, ოქმი ატომური გამოცდის ხელშეკრულების თაობაზე, შეთანხმებანი მარცვლეულით ვაჭრობის, საჰაერო მიმოსვლის, საზღვაო ნავსადგომის, სტუმდენტთა გაცვლის გაფართოების შესახებ და ა. შ. მაგრამ მთავარი, როგორც ლონდონის „ფაინენშლ ტაიმსმა“ აღნიშნა, მდგომარეობს იმაში, რომ ბუშ-გორბაჩოვის შეხვედრები გახდა „არა იმდენად ერთდროული მოვლენა, რამდენადაც პროცესი“. ეს კი, იმედი უნდა ვიქონიოთ, იმის გარანტიას, რომ შეავსრულებს მომავალ უთანხმოებათა სფეროს, გარანტიაა ახალ ხელშეკრულებათა მიღწევისა.

განსაკუთრებით უნდა ითქვას ვიზიტის ატმოსფეროზე. მილიონობით ტელემაყურებელმა უკვე ნახა ქეშმარიტად გრანდიოზული მიღება, რომელიც გაუწიეს ჩვენ პრეზიდენტს უბრალო ამერიკელებმა. განსაკუთრებით მნიშვნელოვანია ისიც, რომ **მ. ს. გორბაჩოვსა** და **ჯ. ბუშს** შორის დამყარდა კარგი, თბილი, პირადი ურთიერთობა, როგორც ხაზგასმით აღნიშნა **მ. ს. გორბაჩოვმა** პრესკონფერენციაზე ამერიკის დედაქალაქში, მოლაპარაკების დროს მხარეებს არ უცდიათ ერთმანეთისთვის ეკარნახათ, ხოლო **ჯ. ბუშმა** აღნიშნა, რომ ამერიკის შეერთებული შტატები არ ისწრაფვის საქმე

აწარმოოს ძლიერის ან სისუსტის პოლიტიკა.

ეს იყო **მ. ს. გორბაჩოვის** მე-სამე შეხვედრა **ჯ. ბუშთან**. პირველი გაიმართა 1988 წლის ბოლოს, როდესაც დღევანდელი ამერიკის შეერთებული შტატების პრეზიდენტი აირჩიეს, მაგრამ თანამდებობა ჯერ კიდევ არ ეკავა. ერთი წლის შემდეგ კი შეხვედრა მალტაში და აი ახლა — ვაშინგტონში. სულ წელიწადნახევარი აშორებს მაშინდელ და ახლანდელ შეხვედრებს, მაგრამ რა ბევრი რამ შეიცვალა საბჭოთა კავშირ-ამერიკის ურთიერთობაში! მკვეთრად შემცირდა ომის საფრთხე, კონფრონტაციიდან ჩვენ სულ უფრო მეტად გადავდგარით თანამშრომლობაზე, რასაც ნაკლებად როდი უწყობს ხელს ახალი პოლიტიკური აზროვნება საბჭოთა კავშირში, საჭაროობის განვითარება, დემოკრატიული პროცესები.

გვახსოვს, მალტის ნაპირებზე ლაპარაკი იყო იმის შესახებ, რომ „ვიცი ომის“ ეპოქა ორი წესისაღმსრულებელი ურთიერთობაში დასასრულს უახლოვდება. ახლა კი, მიუხედავად არსებული სიძნელეებისა და აზრთა სხვაობისა, შეიძლება დავამტკიცოთ, რომ მისი უინულები გადნა, და ამაშია, როგორც ჩანს — ვიზიტის მთავარი შედეგი.

ჩ ვ ე ნ ბ ვ მ რ ე ნ რ ა უჭირს სოფელს?

სოფელი ლასხანა რაიონული ცენტრიდან ოთხი-ოდე კილომეტრითაა დაშორებული, ლამაზია ბუნება ითა და მშრომელი ხალხით. ყველას გვიყვარს მშობლიური ბუდე, ან როგორ არ უნდა გვიყვარდეს, მაგრამ ბევრი რამ სტკივა სოფელს. სოფელში არ არის კლუბი, სპორტული მოედანიც კი, რომ ახალგაზრდამ გული გაიხალისოს მაინც. ჩემს სოფელში სამოცამდე კომლი ცხოვრობს. თითქმის ყველა ოჯახშია ახალგაზრდა, მაგრამ იმას თუ იკითხავთ, სად მუშაობენ: მოსწყინდათ მიყრუებულ სოფელში ცხოვრება და თა-

ვის საშველად ქალაქში წავიდნენ. უჭირს. ძალიან უჭირს სოფელს უგზოობით, უჭირს ზაფხულშიც, ზამთარშიც. ზამთარში მით უფრო, მეწყერიანობის დროს მოწყვეტილი ვაროთ რაიონს. როდის დაადგება საშველი სოფლის გზას, რომ ნორმალურად გამოიყურებოდეს, ღმერთმა იცის. ჩემი სოფლის მოსახლეობა მშრომელი და მუყაითი ხალხია. მაგრამ მუშაობასთან ერთად დასვენებაც გვიყვარს. სოფელში კი საამისოდ არავითარი პირობა არ არსებობს.

სოფლის კეთილმოწყობისათვის ბევრის გაკეთება შეიძლება. აქ ახალგაზრდობასაც ბევრი რამ შეგვიძლია. მაგრამ გაძლოა გვჭირდება და პატრონი.

შ. ყვირილიანი, სოფ. ლასხანა.

დრო აღნობს ყინულს

არის ზოგიერთი პრობლემები, და ჩვენ არასოდეს გვითქვია, რომ ისინი არ არის, მაგრამ ჩვენ გვქონდა შესაძლებლობა გვესაუბრა მათ შესახებ.

ვიცე-პრეზიდენტ დ. კუვილს, რომელსაც აგრეთვე შეხვდა **მ. ს. გორბაჩოვი**, მიაჩნია, რომ ვაშინგტონშიც და კემპ-დევიდშიც ამერიკის შეერთებულმა შტატებმა და საბჭოთა კავშირმა მიაღწიეს ურთიერთგაგების გაუმჯობესებას რიგ დელიკატურ საკითხებში, რომლებიც აქამდე მათ ყოფდა.

თუ ვილაპარაკებთ ვიზიტის ზოგიერთ შედეგებზე, მაშინ ისინი, შესაძლოა, არცთუ ისე შთაბეჭდილებას გამოიუყრებინან, მართლაც, ჯერ კიდევ არ არის დადებული ხელშეკრულება სტრატეგიული შეტევითი შეიარაღების შემცირების შესახებ და არც ვიცით, ხელმოწერილი იქნება თუ არა იგი წლის ბოლომდე (ჯერჯერობით კი მხარეებმა მიიღეს მხოლოდ ერთობლივი განცხადება მომავალი ხელშეკრულების ძირითად დებულებათა შესახებ); ხელმოწერილი შეთანხმება ვაჭრობის შესახებ ჯერ



მოსკოვი, სსკ სახალხო მეურნეობის მიღწევითა გამოფენის „პურპროდუქტების“ პავილიონში დემონსტრირებულია „დევე-ატორმელმაშის“ ქარხნების მიერ გამოშვებული ტექნოლოგიური დანადგარების და სახალხო მონარების საქონელი. 120 ექსპონატი წარმოადგენს წისკილების, ელვატორებისა და კომბინირებული საკვების ქარხნებისათვის თანამედროვე ტექნიკას, აგრეთვე გადამამუშავებელ დარგებში გამოყენებულ ლაბორატორიულ მოწყობილობას. **სურათები**: გამოფენის ერთ-ერთი ექსპონატი, **ს. პანოვის ფოტო**.

მაგისტრატებს, სასოფლო გზებს — ღამაზი

იერი, ჩვენი გულსხური!

თანამედროვე ცხოვრების პირობებში აუცილებლობას წარმოადგენს საავტომობილო გზები, ხოლო გზის სიღამაზე, მისი კეთილმოწყობა და საიმედოობა ხალხის სასიცოცხლო მოთხოვნად იქცა. სწორედ ამან განაპირობა, რომ რაიონში ბოლო წლებში მნიშვნელოვანი ყურადღება მიექცა რესპუბლიკური და სასოფლო გზების მშენებლობასა და კეთილმოწყობას.

დღეის მდგომარეობით ჩვენს რაიონში არ არის არცერთი სოფელი, რომელთანაც არ იყოს მისასვლელი საავტომობილო გზა. ხოლო ქუთაისთან, წყალტუბოსთან, ლენტეხთან და ამბროლაურთან ცაგერის რაიონი დაკავშირებულია რესპუბლიკური მნიშვნელობის საავტომობილო გზებით.

ჩვენი რაიონის ბევრ უბანში გააქტიურებულია მეწყრული მოვლენები, ამიტომ ზოგიერთ სოფელში თუ დასახლებულ პუნქტში გზის მშენებლობა და მისი ექსპლუატაცია დიდ სიძნელეებთან არის დაკავშირებული.

რაიონის საავტომობილო გზებისა და მაგისტრალის იერი-სა-ზე სრულყოფილად არ შეეფერება თანამედროვე მოთხოვნებს და მათი კეთილმოწყობის და გლამაზების ამოცანების შეს-

დეი კავშირის მასშტაბით დგას დღის წესრიგში. ცაგერის საგზაო სამმართველოს შრომითი კოლექტივი უოველ დონეს ხმარობს, რომ გააუმჯობესოს რაიონის საავტომობილო გზების ხარისხი. სწრაფი

პრობლემა და კლავი

რულება დიდ შრომას მოითხოვს გზის მშენებელი კოლექტივისაგან.

პირდაპირ უნდა ვთქვათ, რომ საავტომობილო ტრანსპორტის განვითარებამ მნიშვნელოვნად გააუმჯობესა საავტომობილო გზების მშენებლობა-კეთილმოწყობას. თანამედროვე კომფორტულ ტრანსპორტს შესაბამისი ხარისხის გზა ესაჭიროება, ეს პრობლემა არა მარტო ჩვენი რაიონის, არამედ რესპუბლიკისა და მთ-

ქვეყნის მნიშვნელოვან რესპუბლიკური გზის—წყალტუბო-ცაგერი-ლენტეხის—რეკონსტრუქცია-გაფართოების სამუშაოები, რომელსაც №28 საგზაო სარემონტო სამშენებლო სამმართველო ასრულებს. მათ სასახლოდ უნდა ითქვას, რომ გზის იმ ძირითად მონაკვეთებზე, რომელიც ცაგერს აკავშირებს წყალტუბო-სთან, სწრაფი ტემპით და მაღალხარისხივანად მიმდინარეობს

რეკონსტრუქცია - გაფართოების სამუშაოები, რომლის დამთავრების შემდეგ მნიშვნელოვნად გაუმჯობესდება მიმოსვლის ხარისხი.

მგზავრები სამართლიან საყვედურს გამოთქვამენ, რომ წყალტუბო-ცაგერის გზის თითქმის მესამედზე მიმდინარეობს რეკონსტრუქციის სამუშაოები და გადათხრილია გზა, რაც აძნელებს ტრანსპორტის მოძრაობას. მაგრამ ერთ კვირაში დამთავრდება კოწოლაურის 19-22 კილომეტრის გზის მონაკვეთის მთლიანი მოასფალტება. ივლისის ბოლომდე დამთავრდება ღვედის 29-30 კილომეტრიანი მონაკვეთი. 1 აგვისტოდან დაიწყება სარეწილა-ზუბის 11-50 კილომეტრის მოასფალტების სამუშაოები, რომელიც წლის ბოლოსათვის დამთავრდება.

მომავალში გაერთიანების წინააღმდეგობა და ტრანსპორტის მფლობელთა შენიშვნებს და გზების რეკონსტრუქციას მოვახდენთ სხვა მეთოდით, რამდენი კილომეტრიც გაფართოვდება, იმდენი მოასფალტდება.

რესპუბლიკურ გზებს ჩაუტარდა ორმოციანი შეკეთება, გადახალისდა, შეიღება საგზაო ნიშნები, გაიწმინდა საწინააღმდეგობის მიმდინარეობის ხილების რემონტი, სულ მალე რესპუბლიკურ გზებზე არსებული ყველა ხილი გარემონტებული და კეთილმოწყობილი იქნება. ძირითადად შეიცვლება მგზავრთა მოსაცდელი ღამაზი, მიწის-დედო და მოხერხებული კონსტრუქციების მოსაცდელი. წესრიგში იქნება მოყვანილი გზის ნაპირებზე მდებარე სასმელი წყლის წყაროები, თვალის-ჩინივით ვუვლით და მომავალშიც მოვუვლით გზის სანაპიროზე გაშენებულ და გახარებულ მწვანე ნარგავებს.

რაც შეეხება სასოფლო გზების კეთილმოწყობას, აქ საგზაო სამმართველო თავისი კორექტივი შეიტანა, თუ ადრე გზების რემონტისა და მოვლა-შენახვისათვის გამოყოფილი თანხით ვახდენდით რაიონში არსებული ყველა გზების დახრეშვით სამუშაოებს, რომლებსაც თავისი პარამეტრები არ გააჩნდა და მეორე წელსვე ისევ სარემონტო იყო, ახლა სამმართველომ დაიწყო სასოფლო გზების კაპიტალური მშენებლობა, რომლის

შემდეგ გზას ექნება ის პარამეტრები, რაც დასაშვებია საავტომობილო გზისათვის. ასეთი მშენებლობები უკვე დაწყებულია ლაგვერია-ოფიტის, რაგისა-ისუნდის, ჟუგურის, კერესის, ლა-ზუბის, ადგის-ხიდი-მუშკუ-ლიანების უბნის, ჯონოული-ჩქუ-მი-ქულბაქის, ცაგერი-გვესო-გველმბარის, ზედა და ქვედა საირმის გზებზე. უახლოეს პერიოდში დაიწყება სანორჩის გზის მშენებლობა.

კაპიტალურ მშენებლობას საჭიროებს სურამუის, ლაილაში-თაბორის, ლაჩანა-უხახლოს, ალპან-ღვირიშის, ღვირიშის-ნასპერის, ღვირიშ-ნაქურალ-შის, ქვედა ცაგერი-ლასურია-ში-ადგის და ლასურიაში-ლე-სინდის გზები. სამმართველო ყველა დონეს ხმარობს მოაწყოს ამ გზების მშენებლობის დაპროექტება, რაშიც დაგვირგდება შემდგომი ორგანოების დახმარება.

ჩვენი ორგანიზაცია თავს ვერ იმართლებს სოფელ ნასპერის მშრომელების წინაშე, ვინაიდან მათ თითქმის 3 წელია ვაპირებთ ღვირიშ-ნასპერის გზის მშენებლობა-კეთილმოწყობას. ახლა გვაქვს შეთანხმება სამინისტროსთან და გზის მშენებლობა უახლოეს პერიოდში დაიწყება და სიტყვერ დაპირებას პრაქტიკულ საქმედ ვაქცევთ.

საგზაო სამმართველო წელიწადნახევარია შეიქმნა რაიონ-ზაოს ბაზაზე, არ გაგვიჩნდა საკუთარი საქმიანი ეზო, არ გვქონდა სამუშაო პირობები. დღეს ეს პრობლემა უკვე გადაწყვეტილია, ამასთან სამმართველო დაკომპლექტებულია უმაღლესი განათლების კვალიფიციური კადრებით. შევიძინეთ უახლოესი ტიპის 15 ერთეულამდე ახალი მანქანა-მექანიზმები. სამმართველო თანდათან ძლიერდება, და იქმნება მაგისტრალისა და სასოფლო გზების კეთილმოწყობა-გამშენებლების პირობები.

პრობლემები ძალზე ბევრი გვაქვს, მაგრამ ვპირდებით ლეჩხუმის სოფლის მშრომელებს, რომ ორ წელიწადში ყველა სოფელში შევიყვანოთ კეთილმოწყობილ საავტომობილო გზას.

ა. კპირაშვილი,

ცაგერის საგზაო სამმართველოს მთავარი ინჟინერი.

ყურადღება:

ახალი საპარანტილო დაავადება

ხეხილის ბაქტერიული სიდამწვრ

საპარანტილო მებოლომას ემუქრება საშიში საპარანტილო დაავადება — ხეხილის ბაქტერიული სიდამწვრ, რომელიც დაავადების მასობრივად გავრცელების შემთხვევაში გამოიწვევს ხეხილის 100 პროცენტით დაღუპვას.

ხეხილის ბაქტერიული სიდამწვრ საბჭოთა კავშირში პირველად აღმოჩენილია 1989 წელს სომხეთის რესპუბლიკაში, დაავადება თურქეთთან მოსაზღვრე რაიონებში იქნა აღმოჩენილი. ამჟამად დაავადებულია სომხეთის ცხრა რაიონი: მაგრაშიანის, ტალინის, ერზაიანის, ოქტომბერიანის, მასისის, არარატის, ნაირის, აშტარაკის და აზოვიანის. ბაქტერიული სიდამწვრე ვლინდება ადრე-გაზაფხულზე, მსხლის ჭიშკრის ყვავილობის

ბაქტერიული სიდამწვრე აავადებს 170-მდე სახეობის მცენარეს, განაპირობებს მსხალს, აგრეთვე ვაშლს, კომშს, კუნულს, ცირცელას, ალუბალს, ქლიავს, ბაღს, პერამს, ატამს, ნუშს, ზღმარტლს, ვარდს, გრავას, უოლოს, მარწყვს, კაკალს, ხურმას, მავალსა და სხვ.

ბაქტერიული სიდამწვრით ავადდება ხის თითქმის ყველა ნაწილი. დაავადებული ხეხილი ციცილით გარუჯულის მსგავსია, ადრე გაზაფხულზე ახალგაზრდა ყლორტები, ახლად გაშლილი ყვავილები უძირდად ქვებთან და შემდგომში შავდება. ასეთი შავდება ფოთლები, რომლებიც (დასასრული მე.4 გვერდზე).

სკოლა, ოჯახი, საზოგადოება პოზარდის სუფთა სული გვაკლავს

ბავშვის აღზრდა საზოგადოებრივი და სახელმწიფოებრივი მნიშვნელობის საქმეა. საქართველოს მთავალი ბედია, ქვეყნის ეკონომიკური სიძლიერე დიდად არის დამოკიდებული იმაზე, თუ რა თვისებებით იქნება შეიარაღებული მოსწავლე ახალგაზრდობა, როგორი მსოფლმხედველია, მრწამსი ექნება მას.

მოსწავლეთა ყოველმხრივი, პარმონიული განვითარების, მათში მაღალი ზნეობრივი თვისებების აღზრდის გზების, ხერხების, მეთოდების, საშუალებების მეტად მდიდარი არსენალი მოგვეპოვება. მათი ეფექტური გამოყენებისათვის ერთნაირად უნდა მოუწოდებდნენ სკოლა, ოჯახი, საზოგადოება, ეს მოთხოვნები ახალ შინაარსს იძენს ეროვნული სკოლის კონცეფციით გათვალისწინებული ცალკეული ამოცანების განხორციელების პროცესში. წარმოუდგენელია მოზარდის სწორად აღზრდა სკოლის, ოჯახისა და საზოგადოების მჭიდრო კავშირის გარეშე.

ბავშვის წესიერად აღზრდა ოჯახის უპირველესი ფუნქციაა. მშობლებს დიდი პასუხისმგებლობა და მოვალეობა აქვსრით მომავალი თაობის სწორად ჩამოყალიბებაში. მშობლის მაგალითის დიდი ზემოქმედების ქალაქებს, იგი თვითონ უნდა იყოს მაღალზნეობრივი.

დღევანდელი პოლიტიკური და სოციალური მდგომარეობის გამო მოსწავლეებიც აღშფოთებული არიან. შეინიშნება ნერვოზული რეაქციები, ამიტომ მაღალზნეობრივი პიროვნების აღზრდის რთული პირობები გადარბობს მოთხოვნას, რომ საზოგადოების ყველა წევრმა სერიოზულად მოკიდოს ხელი ახალგაზრდობის აღზრდას.

ზუბის საშუალო სკოლის დირექტორი მშობლებთან მუშაობაში წამყვან როლს ანიჭებს კლასის ხელმძღვანელს, რადგან ძირითადად იგი ზრუნავს მშობელთა პედაგოგიური კულტურის ამაღლებაზე. კლასის ხელმძღვანელ-

ები მშობლებს უჩვენებენ კონკრეტულ გზას შეიძლების ღირსეულ მოქალაქეებად აღზრდისათვის. მშობლებთან აღზრდის საკითხზე ხშირად ვატარებთ კითხვა-პასუხის საღამოებს, ვმართავთ დიალოგს, რომელზედაც თემები მშობელთა სურვილებს გათვალისწინებით ირჩევა. ჩვენი სკოლის მოსწავლეთა მშობლების აბსოლუტურა უმრავლესობამ კარგად იცის სკოლის ცხოვრებაში მიმდინარე პროცესების სირთულეები. ისინი ალბოს უღებენ დღევანდელ სიტუაციას, შეილებათ ამყარებენ მეგობრულ ურთიერთობას, მოხერხებულად უნერგავენ სწავლისა და შრომის სიყვარულს, უფროსებისადმი პატივისცემას, ამის შედეგია, რომ სკოლაში არ გვყავს ძნელად აღსაზრდელი ან ცუდი მიდრეკილების მქონე ბავშვი. 80 მოსწავლიდან ფრიალოსანია 11, ხოლო კარგოსანია 27. არ გვყავს არცერთი მეორეულიანი.

თითო-ორი, მაგრამ მაინც გვყავს ისეთი მშობლები, რომელთა ოჯახებში დარღვეულია ოჯახური რეჟიმი, ზოგიერთი მშობლები ხშირად ჩხუბობენ ერთმანეთში, რაც უარყოფით გავლენას ახდენს აღსაზრდელის ფსიქიკაზე, ასეთ მშობლებთან კლასის ხელმძღვანელები იღებენ ქმედით ზომებს მდგომარეობის შესაცვლელად. სკოლის დირექციას ახლო კავშირი აქვს იმ დაწესებულებების ხელმძღვანელებთან, სადაც არამყარი ოჯახის წევრები მუშაობენ. ასეთ ოჯახებთან მუშაობაში აქტიურობს მშობელთა კომიტეტი. მოსწავლეთა მშობლების კარგად გაცნობის მიზნით სასწავლო წლის დასაწყისში კლასში ვატარებთ მოფიქრებულ საკითხებზე წერას. მოსწავლეთა უმრავლესობა გულანდლია და ზუსტ ცნობებს იძლევა თავისი მშობლების შესახებ. ამის შემდეგ სკოლა სწორად გეგმავს და წარმოადგენს მათთან მუშაობას. გასულ სასწავლო წელს IX

კლასის მოსწავლეებს ვაწერინეთ თემა „ამდენიმე წუთით ჩემს ოჯახში“. ერთი ბავშვი, რომელსაც უჭირს სწავლა, წერს: „...მასწავლებლო, მეზარება სახლში მისვლა, დედა და მამა სულ ჩხუბობს, მე ვგრძნობ, რომ დედა დამნაშავეა, ოჯახში 7 ბავშვი ვართ, ჩვენთვის მშობლებს არ სცალიათ, ჩვენ თვითონ ვუვლით ერთმანეთს, არ მინდა სწავლა...“

ჩატარეთ კლასის მშობელთა კრება, მშობელი არ გამოცხადდა, იგი არც მომდევნო კრებაზე გამოცხადდა. მიგმართეთ იმ ორგანიზაციის ხელმძღვანელს, სადაც მუშაობდა, მათგან არცთუ სახარბიელო სიტყვები დახასიათება მოვიპოვეთ. სკოლის პედაგოგულქმეობა და ორგანიზაციის ხელმძღვანელმა ახლო ურთიერთობა დავამყარეთ ამ ოჯახთან. პედაგოგიური ხასიათის საუბრების ჩატარებით ნაწილობრივ შეიცვალა მდგომარეობა, რაც მთავარია, სიახლე დაეცო ბავშვების სულს.

ჩვენი სკოლის ყველა მუშაკს კარგად ესმის, რომ პიროვნების ჩამოყალიბება უაღრესად რთული და ძნელი პროცესია, ყველაფერს ვაკეთებთ ამ სიძნელეთა დაძლევისათვის. მიუხედავად იმისა, რომ ზუბის საშუალო სკოლაში დამაკმაყოფილებელი პირობებია აღსაზრდელთა სწავლისა და აღზრდისათვის, ჯერჯერობით ამ საქმეში კვლავ გვაქვს ნაკლოვანებები. ეს ჩვენ კარგად ვიცით და მათი დაძლევისათვის ვატარებთ ღონისძიებებს. გცდილობთ, რომ ერთად და ერთნაირი მონდომებით იღვაწოს სკოლამ, თითოეულმა მასწავლებელმა, ოჯახმა და საზოგადოებრიობამ, მშობელთა კომიტეტმა, მამათა საბჭომ, ყოველი მოზარდის წმინდა სულის, ნათელი გონების, ჯანსაღი სხეულისათვის.

მ. ბენიძე,

ზუბის საშუალო სკოლის დირექტორი.

ყურადღება: ახალი საპარანთიკო დაავადება

(დასასრული).

ხასიათდება ფოთოლმწვევით და რჩებიან ზეზე. ქერკი რბილდება, იბერება და სდება. მას ახასიათებს თეთრი ფერის გამოწვევა — ექსუდატის სახით, რომელიც შემდეგ მუქდება. ზაფხულის ცხელ ამინდში ქერკი იწყებს გამოშრობას და ამ პერიოდში კარგად ჩანს საზღვარი ჯანმრთელ და დაზიანებულ ქსოვილებს შორის.

დაავადების გამომწვევი ბაქტერიების ჯანმრთელ მცენარეებზე გადატანა ხდება ფუტკრების, კრაზანების, ბუზების, ჩიტების, ტილების, სარგავი და სამყნობი მასალის, ტარის, ადამიანის ზემოქმედების საშუალებით. გარდა ამისა, ბაქტერიები ვრცელდება წვიმის წვეთებით, ნამით, ქარით და სხვა.

ხეხილის ნარგავები ბაქტერიული სიღამწვრისაგან რომ დავიცვათ, ამისათვის საჭიროა აკრძალოს სარგავი მასალის შემოტანა დაავადებული რაიონებიდან. სიღამწვრის აღმოჩენისთანავე დაავადებული მცენარე სასწრაფოდ უნდა ამოვძირკვოთ და ადგილზევე გავანადგუროთ სანიტარული წესების დაცვით, ხოლო ნაყოფი უნდა გადავცეთ გადასამუშავებლად საკონსერვო ქარხნებს. პროფილაქტიკური თვალსაზრისით ყვავილობის დროს ყველა ზემოთაღნიშნულ უნდა შეიწამლოს ბორდოს სითხით.

საექვო სიმკვამების აღმოჩენის შემთხვევაში, გთხოვთ გვაცნობოთ შემდეგი მისამართით: თბილისი 380062, ქაქავაძის გამზ. 82, საქართველოს მცენარეთა კარანტინის სახელმწიფო ინსპექცია. ტელეფონი: 28-40-55 ან 28-54-28.

რ. გურიანი,

ინსპექციის უფროსი.

მ. კვიციანაძე,

ლაბორატორიის გამგე,

ა. ქაბანია,

ბაქტერიოლოგი.

ლამე დაათვა ყორნისფერ სენაკს, შავი ღრუბელი დაათვა ცას, აორთქლილა გაფანტვებულ სივრცე, ბინდი გადაფარვია თვალისმოპრეღ მზესაც და იხურება თანდათან ცისფერ ლაქვარდებში ნახლართი კარი, კარი, რომელსაც ბავშვობა ჰქვია. და ისევ მინდა შენზე დავწერო, ბავშვობაზე ჩემო! მიდიხარ და არ ძალმიძს დაგაბრუნო, მიდიხარ და არ ძალმიძს გაგიშვო, ბავშვობაზე ჩემო.

მზე იბუტება რამომტრეული სარკმლიდან მოწვიმს...

სულიც სევლია...

თანდათან ჰუჭყი ეპარება უმანკო სულს, საიდანაც დამკნარი ვარდების სურნელი

არ კალმის დაგაბრუნო

(ჩანახაზი)

ისევ აჟავდა გული პარღვით,

და ისევ მინდა შენზე დავწერო...

მოდის, გულს ეთანადება რალაც. რამეთუ უღმობელ დროს მიაქვს დაუბრუნებლად უმანკო, უცოდველი, სპეტაკი, უფოთველი ბავშვობა ჩემი, მიაქვს შორს, უსასრულობაში, სულის უკიდურეს წერტილში, სადაც ტბილ და მწარე მოგონებად დარიალებს მუდამ.

ღმერთო ჩემო, რა მუხანათი რამ არის წუთისოფელი, წუთის-

სოფელი, მხოლოდ წუთის, წამიერია ამქვეყნად ყოველივე, წარმავალია ამქვეყნად ყველაფერი, თავისი დრო აქვს ყველას და ყველაფერს.

მშვიდობით, ბავშვობაზე ჩემო, მშვიდობით ცისფერ ლაქვარდებში ნახლართო სიყვარულო, უმანკოებზე, სისპეტაკე, სითეთრეზე... მშვიდობით, ლამაზო, განუფერებელ ღლებზე ბავშვ-

ობისა... მშვიდობით ბავშვობაზე, განუფერებელ ტყეებზე და ცრემლოვანი მთებზე, იარაგ ჩემო, მშვიდობით ბავშვობაზე, ტყეებზე და მთებზე, ბავშვობაზე ჩემო!

წმინდა ნაფეხურები ჯერ კიდევ შემორჩენია იისფერ თოვლს, მაგრამ თანდათან ცა იქუფრება, ვატყობ, სულ მალე წამოვა შლეგი, გულდრძო ნიაღვარი და გადაშლის იმ სპეტაკ ნაფეხურებს, რომელსაც სევდიან მოგონებად სულის უკიდურეს კუნტულში დაუდევს ბინა, იმ ნაფეხურებს, რომელსაც უღებლო და იღბლიანი ბავშვობა ჰქვია.

ირმა ჩაპკვაძე.

ს ა ქ ა რ თ ვ ე ლ ო ზ ი

გაიღია ობოლი ბავშვების მოვლა - შენახვის ნორმები

საქართველოში ყველაზე მეტად გადიდა, ვიდრე მთელ კავშირში, ობოლი ბავშვების საბავშვო სახლებსა და სკოლა-ინტერნატებში მოვლა-შენახვის ნორმები. ბავშვთა დაცვის საერთაშორისო დღეს ძალაში შევიდა რესპუბლიკის მინისტრთა საბჭოს დადგენილება ობოლი ბავშვებისა და იმ ბავშვთა დამატებითი მატერიალური უზრუნველყოფის ღონისძიებათა შესახებ, რომლებიც მშობლების მხრუწველობას არიან მოკლებულნი.

საქართველოს ბიუჯეტიდან ამ მიზნით ყოველწლიურად დამატებით დაიხარჯება ერთი მილიონი მანეთი. ამასთან უკვე წელს 540 ათას მანეთზე მეტია გამოყოფილი. ამის მეშვეობით

15 პროცენტით გაიზრდება კვების და 40 პროცენტით — ტანსაცმელზე, ფეხსაცმელსა და ობილ ინვენტარზე გაწეული ხარჯები თითოეულ აღსაზრდელზე გადაანგარიშებით. მათი რიცხვი კი დღეისათვის რესპუბლიკის საბავშვო სახლებსა და სკოლა-ინტერნატებში 1300-ია.

ბავშვთა სოციალური დაცვის გაძლიერების მთავრობისეულ პოლიტიკას ყოველმხრივ უჭერს მხარს საზოგადოებრიობაც. საკმარისია ითქვას, რომ საქართველოს ბავშვთა ფონდმა შესაწირავების საშუალებით უკანასკნელი ორი წლის განმავლობაში ბავშვთა დაწესებულებების საჭიროე-

ბაზე 350 ათას მანეთამდე დახარჯა. ამ დღეებში გამოვა ფონდის ყოველკვირეულის — „მშობლიური კერის“ პირველი ნომერი, მუშაობას შეუდგება აგრეთვე მისი გამომცემლობა „ლაშა-

რი“. — ამის მეშვეობით გაიზრდება ჩვენი ფონდის შემოსავლები, რომელიც, როგორც ცნობილია, თვითონ გამოიმუშავებს თავის ადმინისტრაციულ ხარჯებს.

რედაქტორი

ნ. ნემსაძე.



წუხუ დავითის ასულ გამარჯვებულს
მისა ლევანის ძე უჩაძეს

გილოცავთ შვილიშვილის შეძენას. გაზრდილიყოს ერის სასახლო ქალი კვლავაც მრავალი სიხარული შემატებოდეს თქვენს ოჯახს.

საყოფაცხოვრებო მომსახურების სამმართველოს აპარატის თანამშრომლები.

შოთა ვარლამის ძე ლიპარტაქიძის

გილოცავთ დაბადების დღეს. სულ ასე კარგად გვენახო, გისურვებთ ხანგრძლივ სიცოცხლეს.

ლია, ლამარა, ლალი, დათო ჯემალ კოპალაიანები.

მეუღლე ვალერიანი, შვილები ნარგიზა, თენგიზი, ლამიზა, რძალი ნათელა ოჯახებით იუწყებიან, რომ გარდაიცვალა მარიამ კონსტანტინეს ასული ასათიანი-ჩაკვეტაძე.

პანაშვილი ყოველდღე საღამოს 19 საათიდან, დაკრძალვა 5 ივლისს, ზუთშაბათს. გამოსვენება ქალაქ წყალტუბო, ლენინის ქუჩის გაგრძელებიდან, დაკრძალვა სოფელ ხომულში.

ანეტა სვანიძე, ვახტანგ მუშუდ-იანი, გიზო ქარსელაძე, ოთარ ისიანი, ვაჟა ბაკურაძე ოჯახებით იუწყებიან, რომ გარდაიცვალა გალაქტიონ საღინაძე.

გერონტი, შურა, დათო, ნუშარ, ლუბა ლეთოლიანები, გივი ბენდელიანი, გრიშა შკუბელიანი, ოთარ გიორგის ძე ლიპარტელიანი, ლუდვიგ ზეცურიანი, პოლიაქტოზ, თამაზ თავაძეები, მურადი მიქაძე, ნინა კოპალაიანი, ლენა, თამაზ, ნოდარ, გელა საღინაძეები, ვარლამ, ბუტუ ფუტკარაძეები, ოთარ ლიპარტელიანი ოჯახებით იუწყებიან, რომ გარდაიცვალა გალაქტიონ საღინაძე.

თენგიზ კობერიძე ოჯახით იუწყება, რომ გარდაიცვალა კასტერ ბოზოხიძე.

ალბანის დარგობრივი სავაჭრო გაერთიანების თანამშრომლები თანაუგრძნობენ მადონა და ლერი ჯაბურბეგს, რეზო, მარინე მახარობლიძეებს სიძისა და ქვისლის

დათო ჩიქოვანის გარდაცვალების გამო.

ლუღუნის, დიდიმის, დადაში შკუბელიანები, კოლია ნემსწვრიძე, გრიგოლ სილაგაძე, სულიკო ყურაშვილი, ლიბო ჩანქსელიანი ოჯახებით იუწყებიან, რომ გარდაიცვალა გალაქტიონ საღინაძე.

დისშვილი დავითი, ძმისშვილები გელა, ანზორ, დოდო, თამარ, ლილი, ნელი ასათიანები ოჯახებით იუწყებიან, რომ გარდაიცვალა

მარო ასათიანი-ჩაკვეტაძე და თანაუგრძნობენ განსვენებულის ოჯახს.

რაიკოპერატორის, პურკომბინატის, საზღვების თანამშრომლები თანაუგრძნობენ ვენერა საღინაძეს და აზა ზურაბიანს ბიძაშვილისა და ბიძის

გალაქტიონ საღინაძის გარდაცვალების გამო.

დედა როზა, მეუღლე მანანა, შვილები ნინო, ნუნუკა, სიმონი გურგენ ხუციძე, ცოლისძეები მარინე, მადონა, ქვისლები რეზო მახარობლიძე, ლერი ჯაბურბეგ, მამიდა ნელი ხუციძე, ბიძა ჯუსტან მურცვალაძე იუწყებიან, რომ გარდაიცვალა დათო დავითის ძე ჩიქოვანი. დაკრძალვა 7 ივლისს, შაბათს ქ. თბილისში. გამოსვენება წყალტუბოს ქ. №1.

სამსონ კოპალიანი, ალექო ჩიქოვანი ოჯახებით იუწყებიან, რომ გარდაიცვალა მარიამ კონსტანტინეს ასული ასათიანი-ჩაკვეტაძე და თანაუგრძნობენ განსვენებულის ოჯახს.

ჩვენი მისამართი: 384100

ცაგერი, ლენინის ქ. №88. ტელეფონები: რედაქტორის — 22-31, რედაქტორის მოადგილის — 22-35, პასუხისმგებელი მდივნის — 22-37

განყოფილებების: სოფლის მეურნეობის — 22-36, მშრომელთა წერილების — 22-41, საკორექტოროს — 22-43, სტამბის დირექტორის — 22-17, სამწყობრო სამსახურის — 22-28,

ვაჭრობის სამსახურის, ზუთშაბათს, შაბათს, შაბათს 97 ივლისი 1990, ტელეფონი 4440

საქართველოს სსრ მედიკალინური სახელმწიფო კომიტეტის ქუთაისის პოლიგრაფიული გაერთიანების ცაგერის სტამბა,